

# Vaenlaex Duncuz Geizheih Daegbied Youh Hoenghhwd

## 奇特隆重的侗族婚礼

□Buz Haijyi ingj Sinhyungz hoiz



▲ Sing bauq yiengj mbouj dingz, doih soengqcin haeuj mbanj.

▲ Faexsaulz lanz bakmbanj, doiq fwen ngamj cij cuengq.

◀ Doih soengqcin raezrangh, laex naek hanz neuzned.



▲ Ndaw ranzdajcawj caemh nyaengq lai, nda'nduengq baij daiz daih hekgviq.



▲ Guhcaz daih hekgviq, dah-niq ma ngoenzneix.



▲ Bawxmoq byaij doeklaeng, gaem baengz hawj vunz nyinh.

Gangj hwnjdaej, gij vaenlaex gyoengq beixnuengx Duncuz Sanh-gyangh Duncuz Swciyen geizheih daegbied youh gig hoenghhwd, ngoenzlaej itbuen youq ndwencieng geizgan banh, rangh dieg Cwngzyangz bet aen mbanj haenx daengz seizneix lij louz miz gij fungsug sibgvenq haemhndaep ciep bawxmoq bae ranzgvn, ndwencieng cosam youh caez soengq bawxmoq ma ranzmeh haenx. Daegbied dwg yiengh fungsug ndwencieng cosam soengq bawxmoq hoizmonz neix, ndaej gangj dwg ndaw vaenlaex Duncuz aen yizsi geizheih daegbied hoenghhwd ndeu. Ngoenz soengq bawxmoq hoizmonz haenx, ranz gwizmoq bwh ndei mounding、byasoemj、bitsoemj、nohsoemj、ceiz caeuq laeujhaeux daengj huqlaex, bawxmoq cix cangndang gyauegetget dwk deq aen seizndei baez daengz couh angq-vauvau ok dou. Baenzneix, diuz loh daj ranz gwizmoq daengz ranzmeh bawxmoq, couh ndaet lumj haw nauh lumj yienjheiq nei nauhyied gyukgyad hwnjdaej, bauqrengh yiengj mbouj dingz, sing riu gyukgyadgyad, gyoengqvunz soengqcin caeuq gyoengq vunzmbanj humx yawj haenx daenz dwk diuz roen neuznedned.

“Hoizmonz” couh dwg soengq bawxmoq ma ranzmeh, soengq bawxmoq ma ranzmeh seiz gwizmoq mbouj ndaej riengz bae, dwg youz gyoengq beixnuengx cejnuengx caeuq caencik baengzyoux ranz gwizmoq ram(rap) huqlaex, gyoeb-baenz aendoih soengqcin foedfoed nangkhangh ndeu, aendoih soengqcin yied raez, gangjmingz gyanieb ranz gwizmoq yied hwnghuengh. Boubuengx dwg gyoengq dahsau ndaw mbanj gwizmoq, youq aendoih soengqcin raezrangrang ndawde,

bawxmoq byaij youq ceiq doek-laeng, ndaw fwngz gaem vengq baengz caeuq di hazranz ndeu, hawj vunz baez yawj couh nyinh ok. Seiz soengqcin, vihliux yienjbaij gij gyanieb ranz gwizmoq, aendoih soengqcin cungj daegdaengq genj roen gyaе heux byaij, con gvaq doengh dieg miz vunz lai haenx. Gwnz roen moix gvaq aen mbanj ndeu, cungj cit bauhrengh yienjbaij. Aendoih soengqcin daengz bakmbanj ranzmeh bawxmoq le, deng vunzmbanj ranzmeh bawxmoq aeu faexsaulz lanz dwk, doiq fwen gvaqgvn caiq gwn laeuj lanzroen le cij ndaej haeuj mbanj. Soengq bawxmoq daengz bakdou ranzmeh le, gyoengq dahsau guhbuenx haenx mbouj ndaej haeuj ranz bawxmoq bae. Vunz ranzmeh cix sikhaek ndenq vanj youzcas dwk dangz ndeu hawj moix boux vunzhek, heuhguh “cazangq”. Haeuj ranzmeh bawxmoq le, song mbiengj caez doxdongx doxhoh, caiq doxcaemh naengh gwn ngaiz, ciengzmienh nauhyied dangqmaz.

Doengxhaemh, gyoengq boux-coz caengz gietvaen ndaw aendoih soengqcin caeuq gyoengq bouxcoz caengz gietvaen ndaw mbanj ranzmeh bawxmoq cungj caez comz youq dieg ndeu gangjgoj, ra boux youx bonjfaenh maij haenx, neix couh dwg aen fungsug “naenghhwnz” beixnuengx Duncuz ciengzciengz gangj daengz haenx lo.



▲ Mounding seiq vunz ram, gvaq mbanj caiq gvaq dah.



▲ Huqlaex yanghongh baij, baizciengz faeua hung raeuh.



▲ Gingq cenj caz daengz fwngz, hawi mwngz sim raeuirub.

◀ Angq cix doxgingq laeuj, doxcaeuq gvaq ngoenzndei.